

العقل

لاتقيس الدّين بالعقل ياعقلي .. ونام
فيه غيبّيات أأمن بها بلا . مقوت
لان أيمانك بها يعني أنّك في سلام
من غضب ربّي وسخطه وتخريب البيوت
لاتفكّر في مسائل نتايجها .. أثام
يكفي أن الوقت ملبسني من الأثم .. كوت
أأثم بس آآعرف ويش تالية الغرام
بين شيخان العقيدة وشيخان البشوت
تالية حب الطرفين ؟ ضيعه وأنقسام
تنعكس.. على من ايدور لمضناه .. قوت
السكوت؟ أيزين لاصار من حولك كلام
بس ماهو زين لاصار من حولك . سكوت
ويش أقول؟ أقول يالله جعلهم للعدام؟
لا .. بقول .. أنا أتمنّى قبل عمري يفوت
ودّي أنّي ماتعدّاك يالبيت الحرام
وودّي أن آآعيش فيك العمر كلّه وأموت
الله أكبر لا أذن المذن وكبّر الامام
وأصبحو زاكين الانفاس من خلفه صنوت
وابتدا ايرتل ونظّم بترتيله زحام
وأنتهى من ركعته وأبتدا .. يدعو .. قنوت
الله الله الله الله .. على شعور الوثام
جعل صوت ابن سيّيل بعد مليون صوت
يجعل بيوت الشياطين في عقلي .. حطام
كن صوته ينتشلني معه من بطن حوت
لاسمعته؟ يصغر الكون فعيوني .. وأنام
وأمن أنّي مؤمن أبما يقول .. ابلا .. مقوت

سعد بن علوش

قد عطيتك !

قد عطيتك وانت ماضنك لئيم
والنصيحة لئالي تذكره
لاتحرك جرحي الماضي الاليم
ولاتحسب ان طول بعدك طهره
كل جرح يهون يالجرح القديم
وكل شي قد مضامعك اذكره
جرحي وذكراك والليل البهيم
حزت فوادي بمثل المنشره
العذول غراب واننا اكبر غشيم
والجروح الماء وطاريك حجره
والزمان اكرم من الحظ الكريم
لانفتح لي باب صوبك سكره
وحبك اللي لا طرى لي رحت اهيم
قمت احسب اصغر كلامك واكبره
ليتني عاد الهوا توه فطيم
انعذلت لعاذلي بس خيره
مالقيت من الوفاء يااول نديم
كون صدق الحزن وجهه وظهره
عقب رمح الشوق في وجه الصميم
سيف هجرك في قفاه وشف ثره
وانت شكلك تحسبني في نعيم
لني اخبي صوابي واستره
لايغرك حلم رجال حليم
مهون اللي من سكوته فجره
ولاتحسب الجفن من دمعه عقيم
يستحي منك والى اقفيت انثره
ولايغرك وان بدا جسمي سليم
والله ان جسمي سوار المقبره
والله ان امر من ضحك الغريم
شوف حقي بين اياديه اشكره
والله ان احمر من دمع اليتيم
دمعة الرجال من فرقامره

محمد بن فطيس